

小溪志 卷一

四明柴望松園氏著

首序

小溪志何為而作也志者記也所以記一鄉在天在地在人之類聚羣
分乃徵古以式今亦繼今以接古也小溪為鄞西南一隅南接它山
北通建甌其可徵者則有魏吉州它山水利備覽楊德周它山
小志陳延恩光溪志曾遵齋寶嚴志皆足以徵古以式今者也
庚寅夏余同 大守胡公浚復古小溪港於是歷稽志乘及金
吉士鮎埭亭集小溪附見而無專帙迄今六七百年矣松園柴生
留心鄉邦文獻者二十年去歲浚河之役亦與有力焉又因小溪無
專志偕同學博稽確訂新定八編總輯其成庶幾在天在地在人
四明叢書

時在

光緒十有七年辛卯夏五

賜進士出身

欽點翰林院編修

特授甘肅學政國史館纂修同邑陸廷敬撰

小溪志

寧郡守胡元潔閱

鄞令徐振翰定

邑人柴望著

男道垣拱辰較刊

唐鴻璇

及門王家燠全參

鮑匡濟

四明叢書

約園抄本

天章

御製題表變絜齋集六韻

學為君子儒體用亦相符性悟雖宗陸身名未異朱邊情言
頗悉民務政多殊大典昔割玉衷編今合珠虛車祛藻會寶
地有干天傳世因此詩文餘事乎

御製題絜齋毛詩經筵講義

經義要當重切磋絜齋不事頌辭阿解經依注無為異取古誠
今有足多雅頌諸篇惜已失風南數首出重羅奉離故國三致
意其奈孱王弗聽何

小溪志

四明柴望松園氏著

小溪志東抵郡城南抵奉化西抵四明北抵慈溪周圍一百二十里自宋元六志外間采桃源志四明山志寶嚴志它山水利備覽它山志它山圖經光溪志三茅志諸書作八卷曰形勝曰水利曰祠廟曰寺觀曰人物曰列女曰藝文曰金石分門列左

卷一

形勝

卷二

水利

卷三

四明叢書

約園抄本

祠廟

卷四

寺觀

卷五

人物

卷六

列女

卷七

藝文

卷八

金石附錄

四明叢書

約園抄本

小溪志 卷一

形勝



古句章城 越王句踐之地南至句餘其後并吳因大城句餘
章伯功以示子孫故曰句章漢安帝隆安四年劉裕所築在鄞
縣南六十里小溪鎮唐代宗大曆六年移鄞治於三江口遂廢乾道圖經
鄞江巡檢司署 本杖錫巡檢司康熙四十七年置署在三十八都二
苗距城百餘里久圯寓城中道光二十六年移住鄞江橋改今名而
建廨於它山廟左周志今在鄞城府治右側

它山 縣南五十里即唐王元暉為堰之地水南沿流皆山至是始有
一山在水北因兩山相對堰得以成以其無山相接故謂之它山寶慶志

四明叢書

一 約園抄本

明萬達甫詩古殿江村上長林帶晚暉艇隨巖樹出鳧趁浦
雲歸苔淨春波綠山深野市布吏看農事一隴穗拂羅衣
國朝李志中詩十峯翠靄繞清溪客有尋幽過水西吟望川雲
流石壁行依江日澹沙隄寒泉洞口桑林晚佛迹巖前烟樹迷近
得此遊多勝事飄然仙舫幸招攜

建恩山 在縣西南四十五里矗立二十五峯狀如列戟鬱然深秀
山有花塔巖龍湫在其下其地產橘故戶有橘柚之園南有

陳諧翁成化志

宋王安石遊建恩山詩兩岸青山刻削成一溪迴曲篆紋平綠陰
隱隱無層數欲去黃鸝又一聲

按宋自小溪巡檢
司署在句章鄉
鎮却說見地志

明張時徹詩芙蓉當戶碧千尋絕壑雲烟雨後深接竹細
通松澗水鮮衣長傍石牀陰青蘿礙日綠平嶂白鹿餐霞
卧短林蔽葦山中時正好棲遲應得遠塵心

錫山 縣西南五十里嘗產錫故名蔥清插天泉源甘潔脈絡或
起或伏隆隆隱隱結於郡治盤延至桃源甬東諸境實一郡
龍脈之祖上有龍湫北有丁鼻嶺聞志

梅園山 縣西南五十里錫山之下永禁開石竹節嶺附近梅園
道光間嘗開之署令龍澤浩檄杖錫巡檢桂樹馨查勘封

禁周志

鳳山 縣西南七十里其形如鳳寶慶志

四明叢書

二 約園抄本

絳山嶺 鄞江橋北沿溪西行隔溪望見巖石嵯峨間以竹木蔥
蒨即絳山嶺也巖址浸溪溪北正對它山廟過嶺為懸四明談助

芝山 縣西南五十五里宋吳秉信與兄秉仁秉彙秉智奉親居小
溪朱山堂後產玉芝三莖人謂其孝友所感因名其堂曰芝堂

山曰芝山嘉靖志

石白山 縣西南五十里山坡有石圖而扁闊可二丈中有穴似白世
傳葛仙翁煉丹之所旁有二足跡世謂之仙跡溪潭深迴杳不
知其底有魚如舟或見則必作陰雨或有見龍首枕於山麓潭
上者仙隱山與此山相連魏文節公祀作碧溪庵於其上寶慶志

鳳山 縣西南五十五里其形如鳳嘉靖志

湖後山 縣西四十五里 徐志

蔣山 縣西四十五里有丁巖余家洞銀橫洞有龍湫在靈龜洞成化志

王家巖山 縣西四十里 李志

西石山 縣西南六十里出石內有冷水潭 嘉靖志

石甌山 縣西南五十里錫山之北山巔石兩重高可三丈餘形似

甌四時雲氣直上故名 桃源志

仙隱山 縣西南五十三里與石凹山相連有碧溪菴宋魏文節

公建東有石洞亦傳文節公所鑿明楊文懿公守陳名之曰玉

堂洞 閩志

明楊守陳燕玉堂洞記成化己丑二月既望余訪舊建巖還

四明叢書

三 約園抄本

至芝山宿歸德州判聞和致中第歎明歸德族弟麓國
雍招飲余亟欲遊仙隱山不暇往國雍乃携具率子弟以
從舟行季洪港數里泊山下問宋魏文節公碧溪庵故址
莫能識乃登葛仙翁祠祠敞陋不可席遂東陔岡有巨
石寬二丈許可席四望溪山林野之秀心目豁然聞其旁
有石凹山山坡有石員扁而中虛似白世傳仙翁煉丹
之器旁有雙足跡俗稱仙翁所遺余欲往觀問之蒔松
者指西北一小山曰在彼蒼翠深處路頗遠不能往欲席石
上酌或曰東有洞尤可席遂踰澗下翠微以至僕夫折松
枝掃沙礫席焉洞寬大許宛然一石室世傳文節所鑿其

麓左蓮花池鞠為榴畦久矣有靈鰻潭嘗禱雨應焉洞中
石罅生鳳尾草碧氤氳可愛外則溪光野色畢效於前禽
嚶花馥充溢耳鼻尤可樂酒數行隔溪一叟呼渡急莫之
應也適風吹舟著其岸以渡衆顧而大噱叟至捧酒茗果
肴以獻歸德命仲子彈箏李子吹洞簫數曲酣樂甚國
雍曰茲洞自文節逝寂寞三百年矣今公歸自玉堂復於
此乎燕洞亦有中興之運乎請名是洞曰玉堂之洞以輝
於遐久衆謹曰然已而撤席顧洞前之嘉蔭乃樹之四松
去嗟乎洞固有因人以彰者三遊以樂天寒居以宏中而余
非其人也姑識之

四明叢書

四約園抄本

響巖 縣西南五十五里巖石壁立下浸江水水北作聲則巖
中答之故曰響巖有影如佛像故又名佛影巖天寒有鷓
鴒數百為羣集於巖上故又名鷓鴒巖巖上有一洞去江水十
餘丈洞口外有一徑僅容兩足緣徑而入凡三四丈許方至洞口
俯而入中僅可容三四人坐洞中呼之則隔山之外遠遠相
答唐賀知章嘗隱於此舊有讀書樓後人稱高尚宅巖下
有鱖魚洞 閩志

明王嗣爽遊響巖歌巨靈揮斧劈山脊直削山根數千尺
半邊之山但骨立石氣猶凝鐵花赤碧髓如鉛採取竭祇
見懸崖留一穴中通小有未可知不齒洞天應望缺洞口如

箕寬可坐鳥道懸空綫中過府瞰清江接混茫談笑半天
霏咳唾杖深氣寒風颯颯逆距江潮鼓鞞鞞長空次寥雲
鳥盡谷神唘訝自相答隔水禪關草樹封牧童羣戲午撞
鐘鳥隄引攢鳴荒龍翠鳥銜魚掉古松去來舟楫無昏
曉亂帆出沒青林杪平沙曬網夕陽邊別浦鳴榔江路官
山脈斜連高尚宅賀老相傳是遺蹟抽簪歸去髮雙皤費
得登山幾兩屐酒船空棹已千秋十二年來我再遊眼前契
濶已如此雙足何時徧九州

木阜山 縣西南六十里環列二十四峯竒聳如木芙蓉又名木

坑呂氏世居焉尚有甘嶺

嘉靖志

四明叢書

五約園抄本

江口山 縣南六十里山上有塔山陰為鄞境山陽為奉化境其山
自趾至巔皆石突兀離竒如巨靈布武皤腹膨臍山半有洞
名頭陀巖

四明談助

天井山 縣西南七十里在通遠鄉神龍所居有三井焉一巖突然
而出者下瞰百仞之淵地僅容則足緣蘿可行如此者數十
步至下井井之旁石皆光潔如龍物常行久而熟之狀又行三
里至中井益險又三里至上井則難矣早曠祈請得蚺蜥或蛇
鱓之類自山下望之奕奕有光雨輒應每欲雨則雲霧先興
於此山有龍王堂張良臣記有五井舊志云三井誤

成化志

元許廣大遊天井山詩攀蘿行鳥道絕壑見龍湫嵐氣十峯

雨溪風六月秋冷泉移別井古寺隱深邱獨愛它山下梅梁積
水浮

天象巖 在天井山外俗名天打巖巖趾浸水兀然聳峙當大溪
之衝或曰下有龍潭其深巨測

四明談助

明楊承鯤遊天象巖詩越絕凌澗道遠枉遠行遊始聞天
象險今捨三潭舟馬蹄剝石棧踏踵度飛流仰緣十尺崖瞥
見萬尋湫霜泓揭陽彩石鏡瀉清秋情高氣逾厲目眩心
內慙蕭蕭陰風過晶晶暝霞收猿狖臨澗吟鳴鳶嘯巖
幽握蘭徒為美探道竟誰搜永懷蕙門嘯頌念漢濱羞
無用自為足陟險亮匪酬遐哉北山北冥滅畢脰臄

四明叢書

六 約園抄本

國朝徐北畧詩天象巖頭水蔚藍珍禽嘉樹俯澄潭鶻聲呀
軋上灘去嵐翠還從臆後看

灌頂山 縣西南七十里其山直上二十里方至絕頂有普淨禪院
歲納學租宋有採鐵於此者後乃禁之

寶慶志

宋府學教授方萬里劄子竊唯鄞鄮諸山天造地設峻秀
拱揖如伏萬屏而四明一山峯巒峭拔延袤最廣仙池石窗尤
為勝絕故孫綽陸龜蒙諸公疊見賦詠至今郡以為稱則是
一郡之望山又非其他諸山比也國朝自天禧二年撥隸府學
養士其來久矣係灌頂山普淨寺租佃歲入錢三百貫灌
頂即四明之子山也嘉定十七年冬忽有豪民唐執中者

以四明山有鐵鑛發見密於主管司冒佃鼓鑄焚毀林木掘鑿坑塹不唯一方騷動而破壞風水關係非輕亟具公文申主管司以為此山自隸本學已二百餘年其間豈無鐵鑛發見之時然前此未嘗掘鑿以求鼓鑄之利者必有謂也昔胡文恭公宿在慶厯間以登萊諸山居京師東隅民多取金其中以致地震請禁民鑿山以寧地道况今行都去四明無五百里而會稽山陵無三百里十巖萬壑氣脈相接豈容以鄰郡望山縱令豪民焚毀林木掘鑿鼓鑄君子之義竊有未安至於孕靈毓秀鍾為一部人物則當今名公鉅卿大儒碩望布滿中外不應規此小利毀壞風水况在常平法諸坑冶興廢

四明叢書

七

約園抄本

而在寺觀祠廟宮宇民居墳地及近墳園林者不許人告官司亦不得受理今山既隸府學普淨寺又已管佃而一郡士大夫墳墓之在其上者不知其幾豈不違背法意繼蒙主管司即時禁止方幸平息書判見在今歲正月間復有丁思忠者隱下唐執中元斷事節徑就坑冶司陳狀行下告示本學刻佃普淨寺所管四明山即欲掘鑿鼓鑄蓋此山在本學初無利害不過歲得錢三百緡縱為鼓鑄亦不失此萬畝爾冷官竊廩鄉校亦不過三載何敢固執不可以抗泉司之命實以丁思忠冒佃此山歲認鐵鑛五十其直不滿二百然在泉司十路坑冶之權初不欠此而一郡望山輕於毀鑿委有關係

卻恐今日黽勉徇從異時闔郡歸咎必日使豪民鑿四明山
自萬里始職守所係不敢自默除已力陳利害具申泉司外竊
恐豪民規圖未已倘蒙軫念哀鄉望山所在乞賜劄下慶元
府主管司以憑遵守不許人冒佃鼓鑄仍將唐執中丁思忠
略加懲治以為後來豪民違法規利害之戒伏候指揮

杖錫山 縣西南一百二十里前有七峯唐僧紀飛錫至此故有方石
高十大闊一大危舉道旁摩崖刻四明山心四大字乃漢隸也
謂之屏風巖或訛其聲為騫鳳四明山志

宋舒亶雨中遊杖錫山詩何人杖錫過十峯雨裏風烟轉不
窮暗壑水聲清泱泱深巖花氣溼濛濛遙知雪嶺開亭近

四明叢書

八 約園抄本

舊說雲鄉有路通自恨青鞋踏城郭仙遊長在夢魂中

明王守仁杖錫道中詩山鳥歡呼欲問名山花含笑似相迎風
迴碧樹秋聲早雨過丹巖夕照明雪嶺插天開玉帳雲溪環
碧抱金城懸燈夜宿茅堂靜洞鶴林僧相對清

每逢佳處問名山風景依稀過眼生歸霧忽連千嶂暝夕陽
偏放一溪晴晚投巖寺依雲宿靜愛楓林送雨聲夜久披衣
還起坐不禁風月照人清

國朝殷權詩奔牛驚浪勢蜿蜒斜落山南別有天四字摩
崖留漢隸一僧飛錫記唐年鷓歸巢靜雲生樹龍去潭空
月照泉入寺且觀諸佛相好從鉗鉢悟因緣

石塘山 縣西二十里山南有五嶺通慈溪有石塘硤

成化志

西山縣西三十里宋袁進士鎬死節山下山足有四畧嶺蓮花嶺其北有潘畧嶺

成化志

宋王應麟西山吊袁進士詩天柱不可折柱折勢莫撐九鼎不可覆鼎覆人莫扛袁公烈丈夫獨立東南方欲以一己力代國相頡頏適遭宋作移耻為不義哉奮然抱志起誓欲掃攬槍拔劔突前麾手回日月光賊勢逾猖獗山摧失忠良嗚呼絕倫志不得騁才長妻孥悲從溺枯骨誰為襄忠烈動天地遊魂為國殤山水倍堪悲抱恨徹穹蒼穹蒼幸一息庶幾紀星霜西風白楊路哀猿號崇岡解劔掛墓柏泣

四明叢書

九 約園抄本

下沾衣裳惜哉時不利抽毫述悲傷

望春山 在廣德湖縣西三十里與白鶴山對峙為邑西小朵上有

龍湫

李志

明楊承鯤詩春山萬水齊苔磴俯迴溪卻望大雷雨橫垂巽脰西日銜孤嶂出風塵嶺雲低白酒真堪醉吾酣已似泥

白鶴山 在廣德湖縣西四十里與望春山對峙為邑西小朵

嘉靖志

武陵山 縣西四十里舊傳劉阮采藥於此至今桃花萬樹春月感開如錦即林村也山上有棋盤石

聞志

明沈明臣武陵山詩才入青山自可憐秋深風月尚娟娟不知已作重來客明日還家恐是仙 青精作飯紫尊羹飽後微

吟水上行不道空山曾有寺隔溪風送午鐘聲 紫雲紅霧逐
人依樹裏泉聲竹裏雞盡日幽尋歸不得萬山千水夕陽西
一宿山中懶出門數家烟火隔前村秋深樹老無紅葉路在青
天不可捫

楊承鯤詩眷言適靈岫載望西山陽孟冬天氣肅沈靄遠
茫茫陰峯遮層鬱疊嶺互相望生谷以行人北風雨雪涼
寒藤垂虛壁積蘚交石梁釋耕愧橋厲吹瓢懷遼藏飄飄
凌雲氣揮斤于昊蒼顧非虎豹姿何由忽垂堂放情邱壑中
絕代不可忘

前鳳山 後鳳山 俱縣西四十里即鳳巖又曰鳳巖前鳳山一名

四明叢書

十 約園抄本

九曲鳳凰山又名九彎山相傳有鳳凰棲此亦名鳳樓山上有峯曰
烏賀尖宋鄞江先生王致慕在山上後鳳山又名下寥山相傳有
參寥子昔植梧桐於山上冀鳳凰之丹至故名聞志

明水之魚詩鳳凰時一鳴千載重巖谷中有羲皇人獨構梅花屋
大雷山 縣西六十里明山大雷峯三一鄞一奉化一餘姚在餘姚者
為南雷此正謝遺塵之隱處與鄞之大雷相望山有千嶺通
魏畧有靜水洞丹山詠云謝朓曾居茲讀書史傳無文不知
何據也有始皇廟相傳始皇曾登大雷陸雲答車茂堅書
曰昔秦始皇留鄞縣二十餘日則遺跡此山固其宜也圖詠

注云又有金雞洞今其洞在翠巖下是當時通為一山矣四明山志

明張邦奇大雷懷舊詩十年重到大雷山依舊鶯花白晝間
細草遠連春澗綠梅落時沾客衣斑流塵歲月人空憶繞徑
煙霏鶴未還采偏蘭臯猶駐馬夕陽何處水潺潺

維舟村市踏平灘繞到山中便改觀一夜雨過鳴澗壑半空雲墮
尖峯巖人家有徑蒼苔滑蕭寺無僧翠竹寒此日故人千里
隔欲攀登高望長安

蜜巖山 縣西六十里古產仙蜜道書云蜜巖山上有石匣盛仙
蜜曾動星象然身馳之石峯竦拔懸根峻壑非葛藤連結
可企故野蠹分巢其上歲久積蜜流溢潭間魚噉嚼變色
采捕食之美珍常味蜜非家釀故以仙稱其潭深湛不測是

四明叢書

十一 約園抄本

名石質涉溪為莊村 四明山志

大皎嶺 縣西七十里下嶺而稍北折西一溪凡兩渡百數家家北
山之麓曰小皎二韭即大小皎也謝康樂山居賦遠東有二菁二
韭注云韭以菜為名二韭四明皆相連接案韭一名晶大晶小晶
地產是菜故以為名而易韭為晶復易晶為皎展轉不已音
義俱非遂使奇地埋沒有人褒山八峯相次在大皎有蘆樓
坑兩山蘆覆二十里無居人亦遂名孤樓有茅鑊有箭厂從此以
達杖錫有石門潭有蓮花潭 四明志

明張懋賢過大皎嶺詩已慰交親望肩輿落翠微雨晴山
瀨響風定雪花飛野鳥窺樵擔沙鷗上釣磯物情多自適

我也近忘機

國朝姚燮前尸詩惡澗驅蛇龍顛屋攫犀象隕趾堪萬尋壓
面有十丈細徑當其交似軌不容輒曷棧通蜿蜒與天竟蒼
莽翳重林暗抽泉緊壑低捨來去爭百身安危隔一掌破險
無累平撓直幾成枉內悔弛石盟外障斷霞想近世踏宜窄
在山託猶廣大藥嗟未求曷由慰孤往

大闌山 鄞縣餘姚分界處漢劉綱樊夫人道成飛舉於此又
名昇仙山遺履化為卧虎又名伏虎山山頂平廣可以走馬咸
通元年剽賊裘甫伏誅餘黨劉從簡率壯士五百人奔至大
闌據險自守踰月始去今俗呼走馬岡豈因於此歟四明山志

四明叢書

十二 約園抄本

宋謝翱樊夫人上昇詞石蟪黏窗秋見海山雞夜啼弄光彩
玉童吹笙導夫人青髮凌風素霞在雨離塵地白茫茫河西
種星榆樹老海桑童日出歸衣溼上池洗頭早

銀山 縣西南六十里地名小溪嘗產銀故名寶慶志

獅山 縣西南六十里地名小溪在它山之北建康之南一名蚺螺山山
下有明縣今柴竹崖第新增

唐僧元亮它山詩截斷寒流叠石基海潮從此作回朝青山
自在行人老澗闊水聲無絕時

宋豐應元遊小溪詩曉山秋影靜溪水碧於苔薜荔緣崖
古芙蓉隔岸開千家成市井十里見樓臺何事歸舟急悠悠

白鷺晴

明張邦奇遊建巖山詩林邊清蔭澗邊聲愛著青山只管行
行到夕陽青未了淡烟濃樹遠含情

伏龍橋上倚天峯古寺斜陽興未慵况值一番春雨後留人山
色十分濃

國朝柴望獅山銘由順德堂西北行數百步有獅山焉為我家之
鎮自大錫山發脈歷建山十五峯而綿亘柴宅俗呼為蚶螺
山余性有山水癖嘗遊其地見夫西即建山諸境南通竹節北
接梅園東有鳳凰黃泥二山相映細審其形如獅望月狀故
顏其山曰獅山昔堪輿家言此山乃柴宅之祖軍房處其北民

四明叢書

十三 約園抄本

房處其南山上母殯葬致礙居宅是以我先世有禁約一條語
見軍房祀簿中洵吾族之要區也余恐此山日久廢棄爰為
之銘曰鄞西南地無山不靈先人擇里雅愛其形獅山永鎮天
作之屏一南一北二脈分峙子孫世守族有常經敢告來裔庸
勒斯銘

小溪 縣西南五十里古名小溪港柴氏世居焉有明縣令柴竹崖
第今名柴家河 嘉靖志

宋樓鑰小溪道中詩簇簇蒼山隱夕暉遙看野雁著行歸
久之不動方知是一塔碎雲寒不飛 後衲環村儘溯游鳳山
寺下換輕舟舟人努力雙篙急引得清溪逆岸流 柴曰